

Thom., factam esse in momento, quod duplice ratione confirmat. Prima est, quia virtus Spiritus Sancti est infinita. Quæ ratio immediate solum probat hoc esse possibile; subintelligit autem D. Thomas decuisse Spiritum Sanctum, in medio faciendi hoc opus, ostendere omnipotentiam suam, modo perfectissimo illud perficiendo, quandoquidem ad Verbi incarnationem ordinabatur. Secunda ratio indiget majori expositione; sic enim D. Thomas colligit: Deus conceptus est ex Virgine; ergo oportuit ut in primo momento, in quo facta est vel inchoata conceptio, facta etiam fuerit unio hypostatica carnis ad Verbum, alias non tota conceptio ad Deum esset terminata; ergo oportuit ut simul fuerit conceptio inchoata et consummata usque ad conjunctionem carnis cum anima rationali, quia non decuit Verbum assumere carnem, antequam anima informaretur.

3. *Objectio.* — *Responsio.* — Sed dicit aliquis, non sequi inconveniens, etiamsi dicamus corpus illud fuisse, humano more, quadraginta et amplius diebus perfectum, et tamen non esse assumptum usque ad rationalis animæ introductionem, quia usque ad illud instans nondum est corpus humanum, neque actio, quæ antecedit instans generationis, est revera humana conceptio, nisi remote et habitidine quadam, sicut dicitur generatio inchoari in alteratione quæ antecedit. Conceptio enim humana generationem substantialem in tali specie significat; unde licet præcedens alteratio successive facta esset, nihilominus vere ac proprie diceretur Deus conceptus ex Virgine. Respondeatur, nomine conceptionis totum illud includi, et valde decuisse ut divinum Verbum totam humanam conceptionem assumeret, ac quodammodo deificaret, nec decuisse ut Spiritus Sanctus aliquid ex sanguine Virginis fabricaret, quod non esset Deus, seu Deo hypostatico unitum, et ipsam etiam Virginem decuit nihil unquam conciperi nisi Deum, unde Luc. 1 dicitur: *Spiritus Sanctus superveniet in te, et virtus Altissimi obumbrabit tibi. Quod enim ex te nascetur sanctum, vocabitur Filius Dei.*

4. *Responsio.* — Dices fortasse, non esse inconveniens ut caro fuerit a principio assumpta priusquam esset animata, sicut post mortem mansit unita Verbo sine anima. Nam, sicut eo tempore solum erat caro humana per habitudinem ad animam quam habuerat, ita ab initio conceptionis potest dici caro humana, quia ad suscipiendam rationalem animam

præparatur. Respondeatur non esse similem rationem. Non enim decuit Verbum divinum prius tempore assumere corpus quam rationalem animam, aut prius fieri embrionem, aut aliquid simile, quam hominem, ut latius supra diximus, q. 6.

5. Tertium, scilicet augmentum corporis, dicit D. Thomas factum esse in tempore per successivum augmentum. Quod per se constat, est enim hoc extra rationem conceptionis, et naturali modo ac virtute animæ fit.

6. Juxta hanc assertionem explicat D. Thomas, in solutione ad 4, loca August., in 4 de Trinit., et in 1. 83 Quæst., ubi sentit corpus Christi successu temporis fuisse perfectum in utero matris, et est sine dubio verus sensus ejus. Dicit enim quadraginta sex senariis diebus fuisse corpus Christi perfectum, qui diebus numerus novem menses conficit. Quomodo autem tot dies fuerint requisiti ad perfectum augmentum corporis Christi intra viscera matris, cum in uno instanti haberet corpus tam perfectum, quam alii habere solent quadraginta diebus, hoc non exposuit Augustinus; attigit tamen D. Thomas, articulo sequenti, argum. 2, et dicemus disp. seq.

ARTICULUS II.

Utrum corpus Christi fuerit animatum in primo instanti sue conceptionis?

1. *Ad secundum sic proceditur.* Videtur quod corpus Christi non fuerit animatum in primo instanti sue conceptionis. Dicit enim Leo Papa, in Epistola ad Julianum². Non alterius naturæ erat caro Christi quam nostra, nec alia illi quam cæteris hominibus anima est inspirata principio. Sed alii hominibus non infunditur anima in primo instanti sue conceptionis; ergo nec corpori Christi anima debuit infundi in primo instanti sue conceptionis.

2. *Præterea,* anima sicut quælibet forma naturalis requirit determinatam quantitatem in sua materia. Sed in primo instanti conceptionis corpus Christi non habuit tantam qua-

¹ 3. d. 3, q. 5, a. 2, ad 3; et 4 contra, e. 44 et 45, ad 2; et op. 2, c. 223 et 224, et Joan. 1, 15, et c. 2, l. 3.

² Est ep. 11 ad Julianum, Epis. Coensem, non remote a fine illius.

titatem quam habent corpora aliorum hominum, quando animantur; alioquin si continueret postmodum augmentatum, vel citius fuisse natum, vel in sua nativitate fuisse majoris quantitatis, quam alii infantes. Quorum primum est contra Augustinum, 4 de Trin.¹, ubi probat eum spacio novem mensium in utero Virginis fuisse: secundum autem est contra Leonem Papam qui in serm. Epiph. dicit², quod Magi viderunt et adoraverunt puerum Jesum, in nullo ab humanae infantiae generalitate dissimilem. Non ergo corpus Christi fuit animatum in primo instanti sue conceptionis.

3. *Præterea* ubiunque est prius et posterius, oportet esse plura instantia. Sed secundum Philosophum, in lib. de Generatione animalium³, in generatione hominis requiritur prius et posterius; prius enim est vivum, et postea animal, et postea homo. Ergo non potuit animatio Christi perfici in primo instanti sue conceptionis.

Sed contra est quod Damasc. dicit in 3 libro⁴: Simul caro, simul Dei Verbi caro, simul caro animata anima rationali et intellectuali.

Respondeo dicendum, quod ad hoc quod conceptionis ipsi Filio Dei attribuatur (ut in Symbolo confitemur, dicentes: Qui conceptus est de Spiritu Sancto⁵), necesse est dicere, quod ipsum corpus Christi, dum conciperetur, esset a Verbo Dei assumptum. Ostensum est autem supra⁶, quod Verbum Dei assumpsit corpus mediante anima, et animam mediante spiritu, id est intellectu. Unde oportuit quod in primo instanti conceptionis corpus Christi esset animatum anima rationali.

Ad primum ergo dicendum, quod principium inspirationis animæ potest considerari duplice. Uno modo, secundum dispositionem corporis; et sic non ab alio principio inspirata est anima corpori Christi et corporibus aliorum hominum; sicut enim statim formato corpore alterius hominis, infunditur anima, ita fuit in Christo. Alio modo potest considerari dictum principium solum secundum tempus; et sic quia prius tempore formatum fuit perfectum corpus Christi, prius tempore fuit etiam animatum.

¹ C. 5, tom. 3.

² In serm. 4, circa medium illius; incipit hic serm. Justum et rationabile.

³ Lib. 2, cap. 4, tom. 4.

⁴ Cap. 2, a med.

⁵ In Symb. Apostol.

⁶ Q. 6, art. 1.

Ad secundum dicendum, quod anima requirit debitam quantitatem in materia cui infunditur, sed ista quantitas quamdam latitudinem habet, quia et in majori et in minori quantitate salvatur. Quantitas autem corporis, quam habet, cum primo sibi infunditur anima, proportionatur quantitati perfectæ, ad quam per augmentum perveniet; ita, scilicet, quod majorum hominum majorem quantitatem corpora habent in prima animatione. Christus autem in perfecta aetate habuit decentem et mediocrem quantitatem, cui proportionabatur quantitas quam corpus ejus habuit in tempore quo aliorum hominum corpora animantur; minorem tamen habuit in principio sue conceptionis. Sed tamen illa parva quantitas non erat tam parva, ut in ea non posset ratio animati corporis conservari, cum in tali quantitate quorundam parvorum hominum corpora animantur.

Ad tertium dicendum, quod in generatione aliorum hominum locum habet quod dicit Philosophus, propter hoc quod successive corpus formatur et disponitur ad animam. Unde primo tanquam imperfecte dispositum recipit animam imperfectam; et postmodum quando perfecte est dispositum, recipit animam perfectam. Sed corpus Christi propter infinitam virtutem agentis fuit perfecte dispositum in instanti, unde statim in primo instanti recepit formam perfectam, id est animam rationalem.

Hic articulus non indiget commentario, non enim est in illo nova difficultas præter tractatam in articulo præcedenti. Supposito enim priori miraculo de perfecta formatione corporis Christi in momento, absque novo miraculo quasi naturali lege consequebatur, ut corpus illud in eodem instanti anima rationali formaretur. Quia materia perfecte disposita proportionata forma naturali lege debita est.

ARTICULUS III.

Utrum corpus Christi in primo instanti sue conceptionis fuerit a Verbo assumptum?

1. *Ad tertium sic proceditur.* Videtur quod caro Christi prius fuerit concepta, et postmodum assumpta. Quod enim non est, non potest assumi. Sed caro Christi per conceptionem esse

¹ 3. d. 2, q. 2, a. 3, et d. 3, q. 5, a. 2; et 4 contra, e. 44 et 45.

incipit. Ergo videtur quod fuerit assumpta a Verbo Dei, postquam fuit concepta.

2. Præterea, caro Christi fuit assumpta a Verbo Dei, mediante anima rationali. Sed in termino conceptionis accepit animam rationalem. Ergo in termino conceptionis fuit assumpta; sed in termino conceptionis dicitur jam concepta; ergo prius fuit concepta, et postmodum assumpta.

3. Præterea, in omni generato prius tempore est id quod est imperfectum, eo quod est perfectum, ut patet per Philosophum, in 9 Metaphys. Sed corpus Christi est quiddam generatum. Ergo ad ultimam perfectionem, quæ consistit in unione ad Verbum Dei, non statim in primo instanti conceptionis pervenit, sed primo fuit caro concepta, et postmodum assumpta.

Sed contra est, quod Augustinus dicit, in lib. de Fide ad Petrum²: Firmissime tene, et nullatenus dubites carnem Christi non fuisse conceptum in utero Virginis, priusquam susciperetur a Verbo.

Respondeo dicendum quod (sicut supra dictum est³), proprio dicimus Deum factum esse hominem, non autem proprio dicimus quod homo factus sit Deus; quia, scilicet, Deus assumpsit sibi id quod est hominis, non autem præexistit id quod est hominis, quasi per se subsistens, antequam susciperetur a Verbo. Si autem caro Christi fuisset concepta antequam susciperetur a Verbo, habuisset aliquando aliquam hypostasim præter hypostasim Verbi Dei, quod est contra rationem incarnationis; secundum quam ponimus Verbum Dei esse unitum humanæ naturæ, et omnibus partibus ejus in unitate hypostasis. Neo fuit conveniens quod hypostasis præexistentem humanæ naturæ vel alicujus partis ejus, Verbum Dei sua assumptione destrueret. Et ideo contra fidem est dicere, quod caro Christi prius fuit concepta, et postmodum assumpta a Verbo Dei.

Ad primum ergo dicendum, quod si caro Christi non fuisset in instanti formata seu concepta, sed per temporis successionem, oportet alterum duorum sequi, vel quod assumptum nondum esset caro, vel quod prius esset conceptio carnis quam ejus assumptio. Sed quia ponimus conceptionem in instanti esse perfectam, consequens est quod in illa carne simul fuit concipi et conceptum esse. Et sicut Augustinus dicit in

lib. de Fide ad Petrum: Dicimus ipsum Dei Verbum sue carnis acceptance conceptum, ipsamque carnem, Verbi incarnatione conceptam.

Et per hoc patet etiam responsio ad secundum. Nam simul dum caro illa concipitur, concepta est et animatur.

Ad tertium dicendum, quod in mysterio incarnationis non consideratur ascensus, quasi alicujus præexistentis proficiens usque ad unionis dignitatem, sicut posuit Photinus hereticus; sed potius consideratur ibi descensus, secundum quod perfectum Dei Verbum, imperfectionem naturæ nostræ sibi assumpsit, secundum illud Joan. 6: Descendit de cælo.

Textus D. Thomæ est perspicuus, res autem ipsa tractata est in superiori tomo, circa questionem 6, ubi ostendimus simul tempore fuisse corpus Christi animatum, ac Verbo unitum.

ARTICULUS IV.

Utrum conceptio Christi fuerit naturalis vel miraculosa⁴.

1. Ad quartum sic proceditur. Videtur quod conceptio Christi fuerit naturalis. Secundum enim conceptionem carnis, Christus dicitur filius hominis. Est autem verus et naturalis filius hominis, sicut verus et naturalis Dei Filius; ergo ejus conceptio fuit naturalis.

2. Præterea, nulla creatura producit operationem miraculosam. Sed conceptio Christi attribuitur B. Virgini, quæ est pura creatura; dicitur enim quod Virgo Christum concepit. Ergo videtur quod non sit miraculosa conceptio, sed naturalis.

3. Præterea, ad hoc quod aliqua transmutatione sit naturalis, sufficit quod principium passivum sit naturale, ut supra habitum est⁵. Sed principium passivum ex parte matris in conceptione Christi fuit naturale, ut ex dictis patet. Ergo conceptio Christi fuit naturalis.

Sed contra est quod Dionysius dicit, in Epistola ad Caium monachum⁶: Super hominem operabatur Christus ea quæ sunt hominis; et hoc monstrat Virgo supernaturaliter concipiens.

¹ 3 d., q. 2, a. 2; et 4 contra, c. 45; et Quodl. 6, q. 10; et opu. 2, ca. 225, usque ad 232; et Isai. 7, 1, 2.

² Q. præced., art. 4.

³ In ep. quæ incipit: Quæris tu quidem, circa med. illius, c. 6.

Respondeo dicendum quod, sicut Ambrosius dicit in lib. de Incarnatione¹, multa in hoc mysterio, et secundum naturam invenies, et ultra naturam. Si enim consideremus id quod est ex parte materie conceptus, quam mater ministravit, totum est naturale. Si vero consideremus id quod est ex parte virtutis activæ, totum est miraculosum. Sed quia unumquodque magis indicatur secundum formam quam secundum materiam, et similiter secundum agens quam secundum patiens, inde est quod conceptio Christi debet dici simpliciter miraculosa et supernaturalis, sed secundum aliquid naturalis.

Ad primum ergo dicendum, quod Christus dicitur naturalis filius hominis, in quantum habet naturam humanam veram, per quam est filius hominis, licet eam miraculose habuerit. Sicut cæcus illuminatus videt naturaliter per potentiam visivam quam miraculose accepit.

Ad secundum dicendum, quod conceptio attribuitur Virgini Beatae, non tanquam principio activo, sed quia ministravit materiam conceptui, et in ejus utero est conceptio celebrata.

Ad tertium dicendum, quod principium passivum naturale sufficit ad transmutationem naturalem, quando naturali et consueto modo moveretur a principio activo proprio. Sed hoc in proposito non habet locum. Et ideo conceptio illa non potest dici simpliciter naturalis.

COMMENTARIUS.

1. Quæstio hujus articuli solum spectat ad modum loquendi, nam res satis constat ex iis quæ supra dicta sunt de hac conceptione, et quæ de illius modo statim dicemus. Unde nihil in textu D. Thom. occurrit explicandum, præter solutionem ad 1, in qua D. Thom. ait, Christum dici naturalem filium hominis, in quantum habet veram naturam humanam, per quam est filius hominis, licet eam miraculose habuerit.

2. Objectio. — Responsio. — Christus quomodo dicitur naturalis filius hominis. — Statim enim occurrit objectio; aliud est enim esse naturalem hominem, aliud vero esse naturalem filium hominis; ut ergo Christus sit verus ac naturalis homo, satis est quod nabeat veram naturam hominis, non tamen hoc sufficit ut sit naturalis filius hominis. Homo enim dicitur a natura, filius autem ab origine; et ideo, sicut, ut sit homo, requirit humanam naturam, ita ut sit naturalis filius,

DISPUTATIO XI;

In duas sectiones distributa.

DE TEMPORE ET MODO QUO CHRISTI CONCEPTIO EX VIRGINE PERFECTA EST.

De tempore hujus conceptionis, id est de anno, mense, die et hora quibus facta est,